



Pou Piblikasyon Imedya: 21/10/2022

GOUVÈNÈ KATHY HOCHUL

**GOUVÈNÈ HOCHUL ANONSE PATENARYA POU AMELIORE LOKAL KONSÈ  
ESTIVAL JONES BEACH ANBLEMATIK LA AK ENVESTISMAN PRIVE  
MILTIMILYON DOLA**

*Amelyorasyon yo enkli yon nouvo antre akeyan, gwo pwomnad, twalèt modènize,  
zòn akèy amelyore, rezistans kont tanpèt ak amelyorasyon sekirite*

*Reprezantasyon grafik yo ak foto yo disponib [isit la](#)*

Gouvènè Kathy Hochul te anonse jodi a Live Nation Entertainment pral fè yon envestisman miltimilyon dola pou amelyore eksperyans konsè nan Northwell Health nan Jones Beach Theatre. Amelyorasyon yo pral asire lokal Pak Eta Jones Beach la rete yon destinasyon amizman prensipal pou yon lòt jenerasyon moun ki renmen ale nan konsè.

"Nouyòkè yo te vizite Northwell Health istorik la nan Jones Beach Theatre pandan plizyè ane pou yo wè atis yo pi renmen pèfòme, epi envestisman sa a pral finanse amelyorasyon enpòtan nan lokal emblematik sa a", **Gouvènè Hochul te deklare**. "Gras a patenarya sa a ant Eta New York ak Live Nation Entertainment, nou pral kreye yon eksperyans ki pi bon menm pou moun ki renmen ale nan konsè yo epi asire ke teyat sa a rete yon lokal konsè prensipal pou ane k ap vini yo."

Live Nation pral fè yon seri amelyorasyon nan Northwell Health nan Jones Beach Theatre pandan senk ane k ap vini yo pou amelyore anpil eksperyans moun k ap gade konsè, tankou:

- Enstale yon nouvo antre ki pèmèt antre san pwoblèm nan lokal la.
- Konstwi yon nouvo plas ki pral genyen opsyon manje ak bwason lokal yo ak plizyè zòn syèj pou fanatik yo jwi eksperyans konplè Jones Beach la.
- Amelyore eksperyans tout sal datant ak plas epi ajoute menm plis destinasyon manje ak bwason.
- Remodele tout twalèt yo epi ogmante twalèt yo pa 20 pouzan.
- Amelyore rezistans ak dirabilite ak nouvo dig pou pwoteje kont gwo mare, nouvo ekleraj dyod ki efikas an enèji, ak ekleraj lari ki mache ak solè
- Ranplase plizyè milye chèz nan nivo siperyè epi ajoute plis twalèt

Amelyorasyon yo pral fèt dapre akò fonksyònman 20 ane Pak Eta New York ak Live Nation Entertainment pou teyat la.

**Prezidan Rejyonal Live Nation Northeast Ia, Geoff Gordon, te deklare,** "Northwell Health nan Jones Beach Theatre se yon lokal espektakilè kote plizyè milyon fanatik mizik an dirèk ap vwayaje soti tou pre ak byen lwen pou wè atis yo pi renmen nan konsè pandan plizyè deseni. Eksperimente yon espektak an dirèk nan Jones Beach se yon rit ete pou rezidan Long Island yo. Nou kontan travay sere ak patnè nou yo nan Pak Eta Jones Beach pou amelyore eksperyans fanatik yo davantaj epi kontinye kreye eksperyans memorab pou fanatik nou yo ak pèfòmè yo pi renmen yo."

**Ofisyè anchèf Operasyon Live Nation's Venue Nation Ian, Tom See, te deklare,** "Plan nou yo pou Northwell Health nan Jones Beach Theatre pral ajoute plis konfò modèn ke fanatik yo jwi pandan y ap rete fidèl ak karaktè lokal istorik sa a. Nou espere pataje premye faz amelyorasyon ak fanatik nou yo pandan ete pwochèn epi n ap kontinye kreye yon enpak pou ane k ap vini yo."

**Komisè Pak Eta yo, Erik Kulleseid te deklare,** "Pandan 70 ane, Jones Beach Theatre se te yon kote pou ale nan pèfòmans mizikak klas mondal nan yon anviwònman san parèy. Nou enpasyan pou nou travay ak patnè nou yo nan Live Nation pou fè Pak Eta Jones Beach vin yon plas ki pi antouzyas epi akeyan toujou pou pwofite pèfòmans gran varyete pou plisiblik vini."

**Senatè John Brooks te deklare,** "Mwen trè rekonesan pou inisyativ k ap pran pou amelyore sekirite ak prezèvè istwa Jones Beach Theatre. Yon eleman esansyèl nan kominote Long Island lan pandan plizyè dizèn ane, amelyorasyon sa yo pral non sèlman asire pi gwo plezi nan lokal la pandan evènman yo pral ankouraje tou touris epi kreye ouvèti travay ki nesesè anpil - tou de sa yo pral ede ankouraje ekonomi nou an. Mwen espere wè pwojè a nan tout faz finisman li yo epi mwen apresye etap yo ap antreprann pou asire ke renovasyon sa yo pral asire ke lokal la rezistan fas ak efè devastatè nou te temwen nan chanjman klimatik la."

**Manm Asanble a David McDonough te deklare,** "Patenarya Eta a ak Live Nation pou amelyorasyon nan Jones Beach Theatre se yon nouvèl ke yo byen akeyi pou tout moun ki deja epi ki pral kontinye jwi etablisman sa a ak pèfòmè klas mondal yo ki parèt isit la."

Live Nation pran angajman pou l toujou amelyore eksperyans fanatik yo nan teyat la. Nan sezon ki sot pase a, Live Nation te enstale nouvo pano vidéyo nimerik ki gen gran ekran epi ki mezire 17.9 pye wotè pa 31.6 pye lajè. Live Nation te ajoute tou opsyon manje ak bwason Taste NY nan tout lokal la, ak atik meni elaji nan teyat la, ki gen ladan cocktèl siyati ak Cheesesteak Questlove ki fèt ak Impossible Meat. Ak yon konsantre sou operasyon dirab yo, amelyorasyon adisyonèl yo enkli ofri transpò an mas nan konsè ak sèvis bis Nassau Inter-County Express, Estasyon ki degaje Zewo fatra, eliminasyon pay plastik, estasyon pou ranpli dlo ak yon pwogram konpostaj.

## **Konsènan Northwell Health nan Jones Beach Theater**

Northwell Health nan Jones Beach Theatre se yon anfiteyat eksteryè ki sitiye nan Pak Eta Jones Beach nan Wantagh, New York. Okòmansman yo te rele li Jones Beach Marine Theatre, etablisman an te orijinalman ouvè nan pak la an 1952 ak anviwon 8,200 syèz. Jodi a, teyat la gen 14,500 plas epi sèvi yon destinasyon memorab pou amizman deyò nan zòn metropolis New York la. Northwell Health at Jones Beach Theater sou [Facebook](#), [Twitter](#) ak [Instagram](#).

## **Enfòmasyon sou Pak Eta**

Pak Eta sipèvize plis pase 250 pak, sit istorik, sante rekreyatif, tèren gòlf, ranp lansman bato ak plis ankò, ki te resevwa yon kantite rekò 78.4 milyon vizitè ane pase. Pou plis enfòmasyon sou nenpòt nan zòn rekreyatif sa yo, rele 518-474-0456 oswa ale sou [www.parks.ny.gov](#), konekte avèk nou sou [Facebook](#), oswa swiv nou [Instagram](#) ak [Twitter](#).

## **Konsènan Live Nation Entertainment**

Live Nation Entertainment (NYSE: LYV) se konpayi divètisman lidè nan monn lan ki konpoze ak lidè mache mondal yo: Ticketmaster, Live Nation Concerts, ak Live Nation Sponsorship. Pou plis enfòmasyon, vizite [www.livenationentertainment.com](#).

###

Lòt nouvèl disponib sou sit [www.governor.ny.gov](#)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418